



ORKUSTOFNUN

**Verkefnauppgjör Vatnamælinga gagnvart
Orkubúi Vestfjarða árið 1994**

**Kristinn Einarsson,
Árni Snorrason,
Helgi Gunnarsson**

Greinargerð KE-ÁSn-HG-95-05



VERKEFNAUPPGJÖR VATNAMÆLINGA GAGNVART ORKUBÚI VESTFJARÐA ÁRIÐ 1994

INNGANGUR

Greinargerð þessi tengist beint fyrri greinargerð KE/ÁSn/HG-95/01, sem inniheldur verkefnauppgjör Vatnamælinga fyrir árið 1994. Tilgangur hennar er að gera frekari grein fyrir stöðu vatnamælingaverka fyrir Orkubú Vestfjarða.

1. SKIPTING VINNUTÍMA OG KOSTNAÐAR HJÁ ORKUBÚI VESTFJARÐA 1994

Grunntölur samstarfssamnings OS og OV frá 1989-10-20 í fylgiskjali frá í október 1991, sem lagt var fyrir á fundi samningsaðila 1992-06-26, gera ráð fyrir 350 útvinnustundum (á 1.444.135 kr.) og 546 innivinnustundum (á 1.164.787 kr.). Að ósk OV var settur upp vatnshæðarmælir í Húsaldalsá í ágúst 1992, og bætast við 106 útvinnustundir (á 437.367 kr.) og 78 innivinnustundir (á 166.398 kr.) vegna hans. Alls er hér um 1.080 vinnustundir að ræða á kr. **3.212.687**, allt reiknað á einingarverði ársins 1994.

Fyrirframgreiðslur Orkubús Vestfjarða á árinu 1994 vegna framangreinds eru kr. **2.399.686** (sjá töflu 4 í greinargerð KE/ÁSn/HG-95/01). Raunverulegt vinnuframlag er 585,4 klst. í útvinnu og 368,3 klst. í innivinnu, alls 953,7 klst., að upphæð kr. **3.201.054**, en til uppgjors koma kr. **801.368**.

Framangreindar upphæðir eru allar án VSK.

Rétt er að fram komi, að jafnframt því sem lögð hefur verið áhersla á að auka afköst og skilvirkni í rekstri vatnshæðarmælakerfisins á Vestfjörðum, hafa nokkur viðbótarverkefni verið unnin í samráði við OV, og snúa þau að kvörðun virkjana og dýptarmælingu stöðuvatna. Reynt hefur verið að halda sig innan ramma heildartímafjölda í samningi OS og OV þrátt fyrir þessi aukaverk. Á árinu 1994 var t.d. unnið að kortlagningu Hundsvatns, Rjúkandivatns, Vestara Hvanneyrrvatns, Eystra Hvanneyrrvatns, Miðdalsvatns og Tröllárvatns.